

來鳳縣志卷二十

職官志

政績

于執中字君敬山東昌邑貢生以知縣左遷湖南永順宣慰司經歷雍正七年永順歸流經歷裁制府以其才猷明敏而又熟悉苗情檄委協理恩施縣事彈壓散毛各司時散毛等猶未歸流也既改土設縣乾隆元年遂補邑令時草昧初開一切規建皆公手定又以學官未設捐廉建本城及大旺義學二所置田五十畝擇良師來鳳縣志

卷之二十

職官志

政績

聚邑中俊秀者而教之治邑七載官民兩忘後調漢川去之曰扳轅者盈郊垆馬首至不能前鹿總豫阜陽貢生府志官師表作直隸唐縣貢生乾隆三年由恩施令來署詳請添設卯崗義學每年給師生膏火銀十六兩在司庫存公銀內請給公令恩施革陋規整士習扶弱鋤強幾於無訟民於官坡建祠祀之仕至貴州貴西道

張冲字卑牧河南太康縣人雍正癸丑進士知縣事多惠政嘗課農至鄉鄉民具雞黍以進公欣然受食每以

閭閻淺近語教以尊君親上之義蚩蚩者咸依依不忍去附郭西南一帶及元阜里沙坨坪多旱田皆公繼險鑿幽濬導水源以滋灌溉後以他事量移百姓留之不能乃肖公像建祠於中田歲時祀禱至今不衰
范汝軾河南蘭陽進士初知建始政簡刑清旋知邑事邑歸流未久民生雖裕而民性未純乃首事教化卽邑書院拓而大之規置周備時猶未設學官親與諸生講論孜孜不倦以一身兼父師之任由是文學彬彬士林比之文翁化蜀焉

來鳳縣志

卷之二十

職官志

政績

二

林翼池字警齋福建同安進士知縣事以教化爲先重修岐陽書院定婚喪之禮與蒲二尹劄修邑志十二卷心存仁愛有古循吏風

黃升湖南巴陵舉人知縣事端方清介人不敢干以私簿書之暇卽操鉛槧常聚邑中子弟課以經術制藝文教爲之振興

蔣灝江蘇上元監生任邑丞重修大旺義學又捐建卯尚義學

蒲又洪字觀齋甘肅秦州增生任邑丞修安遠三元二

橋又與邑令林公同修邑志邑之有志自兩公始也
劉若椿甘肅鎮原舉人由榆林教授知縣事甫下車一
洗因循之弊培植學校勸課農桑嚴禁溺女平反冤獄
薄用刑罰善政彰彰至今猶載口碑

張曾勅安徽桐城舉人知縣事重修書院培植人才
莊紉蘭福建侯官舉人官教諭二十年裁取得知縣事
沉靜寡欲蒞任甫三月值教匪滋事公率鄉勇往禦傷
股墜馬爲賊所得公絕而復蘇賊曰是好官殺之不祥
一賊曰是好官殺之可惜遂勸公降公大罵賊衆爭以
來鳳縣志卷之二十 職官志 政績 三

婉言勸公罵愈力遂遇害

贈奉直大夫

賜祀

昭忠祠世襲雲騎尉

甘杜竹溪歲貢選邑訓導聞邑令莊公禦賊遇害賊陷
縣治公投水自盡賊援之送歸署脅公降公乘間自縊
於明倫堂

賜祀

昭忠祠世襲恩騎尉

張甯浙江山陰供事任邑典史隨縣令莊公禦賊戰不
克死於挖斷山之橋下

賜祀

昭忠祠世襲恩騎尉

沈懷楓浙江烏程人由供事選卯崗巡檢嘉慶丙辰教匪陷縣治公保全三里重修卯崗義學捐助膏火卯崗始有舉茂才者後官監利知縣

王三錫河南泌陽拔貢任利川縣丞教匪未發難曾權邑篆才識明敏勤於吏職及邑陷公赴援行次漫塘邑紳耆預集鄉勇以待公率之與賊戰於城下大敗之賊始舍城據土堡復破之賊犇紅巖坨及旗鼓寨復屢敗之賊閉壘自固迨大兵至一舉蕩平而公及鄉勇之助爲不少矣邑人德之爲建生祠於麕子峽

來鳳縣志

卷之二十

職官志

政績

四

康父民江西泰和拔貢選恩施丞陞知縣事嘉慶二年蒞任元年餘匪復糾川賊林之華由鶴峯入宣恩境近逼來鳳公率紳士集鄉勇駐防於老鴉關賊知有備乃他竄移建朝陽書院增修齋房築土城爲民保障以卓異陞興國州牧

盧家元字畏壘福建舉人署縣事治行卓卓不畏疆禦稱清官者於公首屈一指然清而不刻士民敬而愛之至今尚有能道其事者

朱鳴鳳字桐雨浙江海鹽舉人知縣事十餘年寬以撫

民百姓安業重修學宮增建石城又勸諭士民建城南
客寨河石橋輿情愛戴

蕭琴漢陽優貢選邑訓導兼攝朝陽書院勤學課藝士
服其教邑之建石城也實公捐齋俸力贊成之

祥福字介堂滿州舉人知縣事不苛不擾爲政十年無
赫赫之名去後民不能忘

余夢勇字耐圃武昌舉人選邑訓導性嚴介不苟取與
居官十六年縣公之庭歲不數數至勤於課士以經術
爲文章啟迪有法從遊者學舍常滿

來鳳縣志

卷之二十

職官志

政績

五

林士端字次呂安徽鳳陽貢生補邑令重修縣城建考
棚及龍火二神祠團練鄉勇思患預防

王頌三字筱華江西興國拔貢屢權大邑有能名晉同
知銜咸豐九年補邑令興復社倉法良意美又修軍需
局於署左以備不虞十一年九月髮逆陷縣治公以身
殉奉

旨贈知府銜建立專祠以彰忠節